



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Vniversis Episcopis per Marchiam constitutis.

urn:nbn:de:hbz:466:1-20006

mus, & ipsum scriptis carere mandayimus quæ per mendacium impertravit, in eum statum causæ continentiam reducentes, in quo fuerat, cùm dictus prædecessor noster causam proprietatis Mutinæ. & Regin. commisit; mandato sequestrationis penitus revocato. Sententiam tamen excommunicationis in Hugonem de Camerario & complices ejus prolatam volumus & mandamus usque ad satisfactionem condignam inviolabiliter observari; non tam quia fuit à delegato prolatæ, quām quòd per delegatum extitit postmodum confirmata. Ne autem monasterio in suo videamur jure decesse, moderatas expensas, ex quo Veronen. ipsum in possessionem induci decrevit usque ad tempus satisfactionis oblatæ propter hoc factas, ipsi restituentas esse censemus, & à te sufficientem præberi standi judicio cautionem. Sententiam autem à dicto Veronen. ex majori parte pro Mediolanen. Ecclesia, partim pro monasterio promulgatam, quæ rationabiliter lata est, & ab utraque parte recepta, ratam habemus; & si quid ex his quæ monasterio adjudicata fuerunt, ipsi non sunt haec tenus resignata, ipsi restitui cum perceptorum fructuum integritate mandamus. Nulli ergo omnino hominum liceat hujus nostræ diffinitio-
nis paginam infringere &c. Datum Late-
rani vj. Nonas Martij.

*VNIIVERSIS EPISCOPIIS
per Marchiam constitutis.*

Epiſt. 38.
De confirmatione sententie
late per Legato Ro. Curia
contra Marconaldum.

ET zizania non avellere ante messem evangelica doctrina præcipimus, & malos usque ad sententiam tolerare canonica institutione monemur. Verum & zizania in manipulos colligata comburere debemus post messem, & iniquos post sententiam evitare. Hoc siquidem attendentes, licet Marconaldus multa contra libertatem ecclesiasticam & Ecclesia patrimonium præsumpsisset, eum tamen excommunicare distulimus; ne si admonitio non præcederet, ad proferendam sententiam non zelo rectitudinis, sed ex odio moveri potius videtur. Ceterum cùm dilecti filii nostri C. tituli sancti Laurentij in Lucina & I. tituli sanctæ Priscæ Presbyteri Card. apost. sedis Legati de mandato nostro Marchiam fuissent ingressi, & dictum Marconaldum per suas literas attentiū mo-
nuissent ut ab Ecclesiarum incendo,

villarum & castrorum devastatione, quæ in eorum oculis perpetrabat, desisteret, & exercitum dimitteret, cuius occasione tota ferè Marchia vastabatur, nec ipse eorundem Legatorum monitis paruisse, in eum propter contumaciam excommunicationis sententiam protulerant Nos igitur, quod ab eisdem Card. factum est, ratum habentes, ac volentes inviolabiliter observari, præsertim cùm plura subsint quare fuerit excommunicationis sententia feriendus, utpore qui fidem Ecclesiæ multoties præstítam violavit, qui patrimonium Ecclesiæ invadere ac detinere præsumpsit, & illud sæpe commonitus restituere non curavit, fraternitati vestre per apostolica scripta mandamus, quatenus tam eum quām complices ejus excommunicatos publicè nunciētis, & faciatis per vestras dioceſes nunciari. Nos enim prædecessorum nostrorum statuta sequentes, ac attendentes quod magis oporteat Deo servire quām hominibus, omnes qui eidem Marcovaldo fidelitate sunt vel sacramento astricti, apostolica auctoritate à sacramento absolvimus; & ne ipsi fidelitatem observent, modis omnibus prohibemus; cum fidelitatem, quam aliqui Christiano Principi juraverunt Deo ejusque sanctis adversanti & eorum præcepta calcanti, nulla mandentur auctoritate servare. Omnes autem qui ei post denunciationem ipsam divina præsumpsérint officia celebrare, usque ad mandatum nostrum suspensionis præcipimus sententia subiacere. Ideoque præsentium vobis auctoritate mandamus, quatenus omnes qui ei juramenti vel fidei tenebantur religione astricti, denuncietis & denunciari faciatis per sedem apostolicam absolutos.

LAVDEN. EPISCOPO.

CVM ecclesiasticæ provisionis officium, ad quod sumus, licet imeriti, Domino disponente vocati, nos juxta verbum Apostoli sapientibus & insipientibus constituerit debitores, sic nos convenit perlatas ad apostolatus nostri notitiam quæstiones subtili indagatione discurtere, & eas judicio vel rationabili mediante concordia terminare, & quas per nos non possumus, aliis de auctoritate nostra committere diffinendas, quod nullus in conspectu sedis apostolicæ sui juris se conqueri valeat su-

Epiſt. 39.
Super questione
ne cupidam
Præbende quæ
inter Novariense Capitulū
& Jacobum
clericum veri-
tur.
Cap. Cūm ec-
clesiastica, Di-
exceptionib.